



Këshilli i Mediave të Shkruara të Kosovës  
Press Council of Kosovo  
Savet Štampe Kosova

05.12.2023, Prishtinë,  
Ref:17.11.2023\1472-2023

**Vendim i Këshillit të Mediave të Shkruara të Kosovës ndaj  
ankesës së Besard Belegu dhe Lavdim Terziu kundër Lajmi.net**

Këshilli i Mediave të Shkruara të Kosovës në mbledhjen e tij të mbajtur më 29 nëntor 2023, shqyrtoi ankesën e dërguar nga Besard Belegu dhe Lavdim Terziu kundër Lajmi.net lidhur me publikimin e shkrimit me titull “‘Llugë’ në AAB: Profesori denoncon për plagjiaturë dy kolegët e tij në këtë kolegji”, dhe mori këtë

V E N D I M

- Ankesa miratohet pjesërisht.

## A R S Y E T I M

Media ka publikuar lajmin me titull “‘Llugë’ në AAB: Profesori denoncon për plagjiaturë dy kolegët e tij në këtë kolegji”. Pala pretendon se lajmi është në kundërshtim me kapitujt II (raportimi i së vërtetës) dhe kapitulli IV (e drejta për t’u përgjigjur) të Kodit të Mediave.

Lajmi është shkrim i medias së shkruar, andaj ankesa është e lejueshme për trajtim dhe e afatshme.

Pas leximit të ankesës KMSHK gjen se ankesa është e bazuar pjesërisht. Pra, miratohet pjesërisht.

KMSHK ka analizuar shkrimin e medias dhe ankesën e palës.

KMSHK konstaton se media shkrimin e ka bazuar në një postim në rrjetin social Facebook, të cilin edhe e ka publikuar. Në momentin e publikimit, media ka publikuar postimin e palës që ngre akuza ndaj dy ankuesve.

Me rastin e publikimit të shkrimit, media nuk i ka paraqitur edhe mendimet e palëve ankuese mbi çështjen. Në këtë pikë KMSHK konsideron se media nuk e ka respektuar Kodin e Mediave dhe e ka shkelur Kapitullin IV (e drejta për t’u përgjigjur).

KMSHK konstaton se, pas publikimit të lajmit media ka vazhduar ta hulumtojë çështjen, duke provuar t’i kontaktojë të gjitha palët – përfshirë palët ankuese – për t’ua marrë deklaratimet përkitazi me pretendimet e ngritura, por palët nuk i janë përgjigjur interesimit të medias.

Andaj, KMSHK vendos që ankesa të miratohet pjesërisht.

Këshilli i Mediave të Shkruara të Kosovës